

入大乘論


籍

上

盡三

二百五十五

49377



入大乘論卷上 三

賢意菩薩造

北涼沙門釋道泰譯

盡

義品第一

今欲解入大乘義問曰何故說入大乘義答
曰我為衆生欲遮苦因故汝今當知或復有
人近惡知識為惡所誤偏執已法專著邪見
顛倒思惟不解實義不順佛智誹謗聖說誹
謗聖說者則壞正法壞正法者得大罪報如
世尊說謗法之罪重於五逆惡道長遠久受
苦報如偈說曰

誹謗大乘法

決定趣惡道

此人受業報

實智之所說

生墮地獄中

大火熾然身

焚燒甚苦痛

業報罪信介

熾然大鐵犁

具滿五百數

而耕其舌上

遍碎身苦惱

若從地獄出

復受餘惡報

諸根常缺漏

永不聞法音

設使得聞者

復生於誹謗

以謗法因緣

還墮於地獄

謗法衆生聞如是說於大乘中便生疑心如

尊者提婆所說偈

薄福之人不生於疑 能生疑者 必破諸有

若有疑者皆應聽法聞已意解便得開悟得

開悟已即生信心生信心已便生喜樂生喜

樂已如是次第生聞思修乃至具足得一切

種智因謗大乘而墮惡道亦由大乘起諸善

業如人因地倒還依地而起又因於智趣菩提道亦與衆生共和合有若離衆生則無有得菩提道者從衆生界出生一切諸佛菩提如尊者龍樹所說偈

不從虛空有
而證成菩提

亦非地種生

但從煩惱中

問曰汝說善入摩訶衍論如是功德云何名爲摩訶衍耶答曰菩薩藏處名摩訶衍問曰佛不說三乘亦摩訶衍乎答曰如是此大乘中亦說三乘即名三藏如菩薩藏經中說佛告阿闍世王族姓子藏有三種何等爲三謂聲聞藏辟支佛藏菩薩藏族姓子非以聲聞

乘故名爲三藏亦非以辟支佛乘故名爲三
藏唯諸菩薩所學大乘得名三藏何以故夫
說法者具足三乘乃名三藏以菩薩說法能
具三乘故是故我說名三藏耶族姓子有三
種學人聲聞學辟支佛學菩薩學聲聞乘者
不學辟支佛乘何以故非所解故辟支佛乘
者不學菩薩乘何以故亦非所解故族姓子
唯諸菩薩雖學聲聞辟支佛乘而不證於聲
聞辟支佛道學菩薩乘深知菩薩所行之法
常樂隨順以是義故菩薩乘者名爲三藏非
謂聲聞辟支佛乘於餘經中以具分別是故
我今但略說耳如汝意謂非三藏者汝今但

以增一阿含中阿含長阿含雜阿含百千等
偈以爲一藏毗尼阿毗曇二百千偈名爲二
藏盡具修習名爲三藏若如是說不名三藏
所以者何諸餘經等則非佛說有如是過阿
含毗尼阿毗曇等亦是三藏雜藏舍頭羅經
胎經諫王本生辟支佛因緣如是八万四千
法藏尊者阿難從佛受持者如是一切皆有
非佛語過若無過者當知一切盡是佛說如
是所說若皆是藏此則便有百千等藏汝言
三藏是語自壞復有阿難所不受者佛成道
二十年後方於僧中自言我年老大須供給
人若能爲我作給侍者當自信能爾時大衆

和合即差阿難爲佛侍者阿難便語同梵行人如來有八万四千法聚我今悉能受持唯先二十年中有二比丘所受持者皆悉不了以是義故當知阿難所受持者不名多聞佛所說法中阿難實有不任器者如中阿含說釋提桓因語鬱多羅言尊者我聞他心智觀閻浮提一切衆生無有盡能受持佛法唯除尊者餘不能了以是因緣當知阿難非悉能持一切佛法聲聞弟子及以阿難不任法器諸大乘經已具廣說如首楞嚴經中佛爲淨月蔽天子說阿難所持少不足言不受持者乃有無量我所知法百千億分不說其一阿

難於我所說法中百千億分不持其一善男子我於一日一夜十方世界梵釋四天王天龍夜叉軋闍婆及諸菩薩一切來集為說智慧修多羅偈頌章句衆生所行諸波羅蜜及說聲聞辟支佛乘獸惡生死讚歎涅槃滿足諸波羅蜜乃至為諸天子廣演說法一日一夜假使滿閻浮提如微塵數多聞智慧皆如阿難於一日一夜百千億分亦不能持具足一分乃至復滿十方微塵世界皆如阿難不能盡持亦復如是處處經中亦說阿難不住法器以是義故當知阿難不能盡持一切佛法問曰如來卍尊不說阿難於多聞中為第

一耶荅曰佛於聲聞衆中假說阿難以爲第一非謂菩薩又復汝等於阿難所持尚不盡聞況於大乘具足深義汝意若謂是聲聞乘即大乘者此事不然何以故因果異故若聲聞乘因與大乘因而不異者果亦應不異現見果異故當知因亦異何以故聲聞學者但斷結障觀無常行從他聞法菩薩所斷微細諸習乃至究竟觀一切法不從他聞得自然智無師智以是義故非以聲聞乘同大乘也問曰佛不說解脫無異也荅曰聲聞解脫時頗能令使須彌山等盡向道場悉皆曲躬光明遍照十方世界八十由旬一切魔衆悉來

降不善薩解脫如上。所說悉能爲之。以是義故佛於餘經雖說解脫相等無異大小實殊。猶如垂齧芥子中空雖有空名當與十方世界中空得爲一不空雖不異大小有別。又如螢火欲等日月亦如蚊子比金翅鳥如婆留支比丘說佛本行偈。

一切諸光明

燈焰與掣電

星月照差別

日光最第一

飛行諸禽獸

蚊蟻及與蜂

衆鳥飛各異

金翅最不同

以是故雖少相似大小有殊當知因既有異果豈同耶。汝言解脫無異如是觀察解脫不同聲聞解脫名愛盡解脫非一切解脫但爲

鈍根少智衆生假分別說大乘解脫斷煩惱
習一切都盡爲利根菩薩廣分別說如汝今
說聲聞解脫即大乘解脫者如來則非一切
種智有如是過如佛小疾遣目連詣耆耇所
問當須何藥是時耆耇已亡七日生忉利天
目連即便詣彼天所介時耆耇將入後園即
便問言如來有疾當須何藥荅曰用蘇如來
身者猶如金剛諸惡已滅豈有疾乎而問耆
耇如婆拘羅比丘於九十劫前以一藥果施
同梵行者於九十劫中身常無病於最後身
年至八十初無微病故以此一訶黎勒果微
施因緣尚得無病况復如來億百千万阿僧

祇劫具足檀波羅蜜備諸功德乃至截身手
足髓腦血肉而施病者以是因緣豈得疾耶
如經所說則現如來非一切智如來又時入
城乞食空鉢還歸爲度於提婆達多令使出
家如枯樹經說見大火聚尔時諸比丘中便
有生退心者爲度馬師滿宿故數數罵婆羅
門奪賴闍薩遮尼軋孫陀利等於九十日中
受食馬麦日連舍利弗入於陶室乃有如是
等事汝意若謂有餘業者此則不然何以故
如來已盡一切諸惡具滿一切無量功德有
餘惡業則有大過汝曾不聞諸經中說如來
永斷一切煩惱業結習耶如摩陀遮離所說

偈讚

一切結習盡

唯有救世者

一切智所有

功德悉成滿

有三種習所謂業習煩惱習威儀習此三種習如來永盡以是因緣若有餘業此則大過汝今若謂是方便者此亦不然何以故汝意先謂佛身是實不言方便及與應化汝常自言佛身是一何得復有方便應化汝於何經聞說方便及應化耶汝經中說唯有後邊身不言別有法身與應化方便身異而我十住經中所說別有法身不與方便應化身同是故大乘經中說佛是一切智則無有過汝小

乘中說一切智非則有大失若謂聲聞乘即
是大乘此事不然大乘者與聲聞乘則有差
別以廣大故汝意若謂聲聞乘中顯示大乘
是亦不然何以故理相違故聲聞乘者從他
聞法大仙之乘紹三寶種不斷絕故如毗瑠
璃寶終不出於水精之中體差別故是故大
乘微妙甚深其心廣大菩薩摩訶薩次第修
學始從初地乃至十地具足一切功德智業
是故佛說名爲摩訶衍乘若聲聞乘從摩訶
衍出則有是理是故菩薩修學十地具滿一
切諸波羅蜜故能出生三乘善法如十地經
說金剛藏菩薩語解脫月菩薩言佛子譬如

字章字本爲初一切文字皆出字本如是佛
子一切佛法亦復如是以地爲初亦從於地
而得究竟成自然智是故大乘名曰甚深出
生一切聲聞功德非謂小乘能出大也佛說
十地猶如金聚具足無失云何不受如來以
慈悲力爲鈍根故說聲聞乘而汝信受便自
偏執受行小法不信大乘平等正教是故當
知佛說大乘名最吉勝問曰世尊昔說於我
滅後當來世中多有衆生起諸諍論此是佛
說此非佛說是故如來以法印印之若義入
修多羅隨順毗尼不違法相是名佛說答曰
佛亦不言聲聞乘者非是我說乃至菩薩大

乘亦復如是佛說不異等一切故以法印印
汝言入者爲是義入修多羅爲文字入耶若
以文字入者無有是處何以故十二部經一
切文偈章句各異是故當知非文字入若以
義入理不相違義者若順修多羅義與法相
相應其義顯現是故名爲順修多羅耶若顯
示聲聞法名聲聞乘隨順入修多羅若顯示
辟支佛法名辟支佛乘隨順入修多羅若顯
示菩薩法名菩薩乘隨順入修多羅若我顯
示十地功德明菩薩行是名真說隨順入於
大乘但汝意偏黨獨謂入小乘三藏大乘三
藏中我已說入是故三藏即是大乘何以故

十二部中說毗佛略即是大乘如中阿含說
云何名比丘所謂知法以能善解十二部經
修多羅乃至優波提舍毗佛略者是摩訶衍
何以故毗佛略經爲諸衆生說修對治法故
名毗佛略亦有衆多乘故名毗佛略亦以多
莊嚴具故名毗佛略亦能出生無量大果報
故名毗佛略非是稱量所能知故名毗佛略
除斷一切諸邪見故名毗佛略若汝意謂我
聲聞法中廣說修多羅偈頌章句亦名毗佛
略者無有是處何以故汝依阿含說爲毗佛
略但有言語若但言語此非可信若阿含經
中必有斯義何處章句爲聲聞說是毗佛略

若無定文是故當知毗佛略者顯發大乘非
謂聲聞小乘說也汝聲聞經一部所說終無
百千偈讚文句况復當有億萬廣說如來世
尊教諸聲聞唯示無常令厭生死使知苦本
速求涅槃從初如是乃至奉行句味尠少則
無甚深廣大之義大乘經說菩薩所為其事
深廣如大喻經賢劫三昧結解脫經花首經
如是等悉是摩訶衍皆名毗佛略如結解脫
經中善財童子詣善知識海幢比丘所十二
年中入大海三昧白海幢言此三昧中深廣
無邊更有法門大此三昧不說是語已於大
海三昧中見大蓮華佛從中出即以右手摩

海幢頂讚言善哉善哉善男子更有普眼法
門汝當受持海幢即受普眼法門章句次第
爲他廣說告善財言善男子我於一刹那頃
所可受持普眼法門用大海水盡以磨墨積
大紙聚猶如須弥山天下草木持以爲筆三
千世界水陸衆生悉爲書師於一刹那頃所

受法門百千分中猶不能書盡其一分況復
一日一夜乃至十二年中所受甚深無量無
邊大分要義善財童子於一善知識所從聞
法已能如是無量無邊過億千數況復諮問
微塵世界諸佛等邊及善知識所受教法以
是因緣具足大乘名毗佛略無量無邊非聲

聞也此義甚深是故一切聲聞所修行法悉
入摩訶衍道最爲大吉是名隨順修多羅義
今當復說隨順毗尼三乘聖道皆同斷貪欲
瞋恚愚癡名爲毗尼修多羅者分別因果阿
毗曇者分別法相亦斷煩惱摩訶衍者亦說
斷除貪欲瞋恚愚癡煩惱一切惡法佛教聲
聞淨已三業名爲毗尼爲菩薩說淨已三業
乃至成佛兼及衆生滿足一切尸波羅蜜菩
薩所持是自性戒發菩提心得真實果是故
當知摩訶衍者隨順毗尼不違法相者三乘
經說不違十二因緣大乘亦不違十二因緣
善觀察者能知大乘即三法印若不善觀察

則無大乘亦不具三乘若誹謗摩訶衍者是
大過罪汝今若言此是魔說佛所不說然諸
經中實無此語若但口言爲大乘者是魔所
說終不可信汝意若謂是佛說者猶如師子
身中生虫則還食師子三乘皆尔不獨大乘
是故當知摩訶衍者非魔所及唯佛能說問
曰汝非魔說我是魔乎荅曰我與汝等俱非
魔也問曰若謂我與汝等俱非魔說言魔說
者此則應遮荅曰我大乘法利及與衆生順
於法相故多魔事是故如來於大乘中說言
遮魔汝小乘法唯能自度魔不擾惱何須遮
乎是以如來昔於法華及般若經中說於當

來世多有衆生喜起嫉妬故遮誹謗墮於惡
趣汝所誦習於何部經中言摩訶衍是魔所
說若汝經中不言摩訶衍魔所說者自言魔
說此亦叵信汝意若謂聲聞法中亦有遮斷
但事已久滅難可證據此亦不然何以故非
處所故若假令遮佛以神力則能守護此法
經劫亦不墜沒是故當知汝言久者但有言
語假令魔說能除滅障不違正法雖曰魔說
即是正法與佛語不異何以故如佛所說依
法不依於人是我今但從正理不取名字
又我等所求能滅智障煩惱障者即是世尊
若實魔者終不能說菩薩之法何以故魔不

能知菩薩從禪定生聞思修慧厭離欲惡不
善之法是大乘義唯佛能說從於初地乃至
十地如是次第四禪四無量心四無色定滅
受想定菩提心諸波羅蜜隨宜方便成熟攝
衆生法十善道戒聞智慧不放逸離世八法
八聖道轉法輪堅持頭陀具足功德苦空無
常無我寂滅十二因緣出入諸禪三解脫門
諸陀羅尼三十七品助道之法諸神通門實
諦四辯禪智二輪以自在嚴皆悉和合遊戲
諸法而於生死涅槃等中不背生死亦不向
涅槃心常厭惡正觀諸地出離諸地不墮聲
聞辟支佛地淨佛國土隨順法忍無生法忍

不退轉地受正位地力無所畏不共法相好
法身為衆生故住於生死順轉決定轉隨順
不轉決定不轉如是等因果次第法不共法
非覺法魔不能說非魔境界故魔有四種若
言陰魔作是說者我終不說佛有陰身又復
若言實是魔說如斯語者弥勒菩薩亦應遮

止有尊者賓頭盧尊者羅睺羅如是等十六
人諸大聲聞散在諸渚於餘經中亦說有九
十九億大阿羅漢皆於佛前取籌護法住壽
於世東方弗婆提渚麦渚栗渚師子渚閻浮
渚大閻浮渚跋提黎伽處闍賓乃至阿耨大
地諸賢聖等皆住守護佛法若言摩訶衍是

魔所說者則爲佛法之大患也諸賢聖等悉
應遮斷是故當知言魔說者皆是妄語空作
斯說又大菩薩諸賢聖等皆護大乘是摩訶
衍紹三寶種不令斷絕問曰如汝所說若摩
訶衍是三寶種皆悉擁護菩薩聲聞如今云
何於誹謗大乘者何不遮止使斯人輩不墮
地獄不趣惡道不壞佛法答曰業報決定不
可除斷業有二種一者決定增長二者決定
受報非諸菩薩聲聞賢聖所能除滅造作惡
業決定受報不可救止如瞿伽離比丘誹謗
摩訶衍經是魔所說當知是人必墮地獄無
能拔者問曰汝言謗摩訶衍能入惡道亦是

鹿語我未信耶。答曰：汝言佛說摩訶衍是魔語者，即是誹謗三世諸佛，亦是一切衆生大怨。所言甚重，當受惡口不善重報。如佛偈說：人生於世間，如斧在口中，自斲害其身。斯皆由惡業。

汝謗摩訶衍如是鹿語，非我所說。我今但欲令汝不起誹謗爲利益故，便作是說。猶如病人食不應食，良醫瞻病禁斷不聽，爲憐愍汝，妄作綺語言。摩訶衍是魔所說，過去諸佛已說摩訶衍，未來諸佛當說摩訶衍，現在諸佛今說摩訶衍，是名遮斷誹謗摩訶衍論。菩薩爲斷誹謗大乘是故演說。初入摩訶衍論品。

問曰汝已遮他不令誹謗今當云何入摩訶
衍行荅曰菩薩當先具種性隨順善行所解
廣大內心廣大界分廣大種性廣大性既具
足其心調柔漸損煩惱少貪瞋癡好修諸善
精勤誦習如是衆生六根廣大能發大願欲
求佛道種性相根如佛所說下根下性下發
道意所願亦下中根中性中發道意所願亦
中上根上性上發道意所願亦上是故諸佛
隨其根性則以慈心分別教授問曰若諸衆
生各有根性云何應爲隨根說法荅曰上根
衆生爲說菩薩深妙法藏以知根性堪菩薩
行故說菩薩藏問曰爲菩薩藏者當任何地

答曰有十種行到解脫地能聽菩薩藏時得
十種法行離解脫行便得入於菩薩之行何
等爲十一者修菩薩解脫行若多若少皆悉
修習二者菩薩所有之法若多若少皆悉書
寫三者菩薩藏法若多若少皆悉供養四者
菩薩之法若多若少皆悉轉讀五者菩薩之
法若多若少皆悉聽受六者菩薩之法若多
若少皆悉受持七者菩薩之法若多若少皆
悉習誦漸漸通利八者菩薩之法若多若少
皆悉爲他分別演說九者菩薩之法若多若
少皆悉思惟善解義趣十者菩薩之法若多
若少獨處思惟修習增明是名菩薩十行第

八者是菩薩聞慧第九者是菩薩思慧第十
者是菩薩修慧問曰菩薩得是聞思修已當
入何行荅曰爲得地已入解脫門如是次第
聞思修生爲見法界得於地已修三解脫門
問曰何等名爲三解脫門荅曰行空無相無
願問曰云何爲空荅曰觀我人衆生無有自

體性相常寂問曰云何解了荅曰當入十二
因緣問曰是空解脫異十二因緣法耶荅曰
空與十二因緣等無異相空即十二因緣十
二因緣即是空何以故因緣假起無有自體
如尊者龍樹所說偈

十二因緣空

我今欲解脫

假名因緣法

此即是中道

一切諸法悉皆空寂何以故皆屬因緣無自性故問曰若一切法因緣生者何故說言無體性耶答曰所言因緣卽諦故說第一義諦則無體性亦無有生旣無有生亦無有滅無生無滅卽真寂滅真寂滅者卽是一切諸法寂滅是故我說一切諸法無有體性如老母經中卽尊所說姊譬如因人因桴因鼓衆緣和合便有聲出如此之聲不在三世亦非內外及在中間其性空寂無生無滅姊今當知一切諸法體性亦然老母經中佛自說空是故菩薩於無量劫修集福德禪定智慧悉入

三解脫法門善觀生滅皆悉空寂猶如幻焰
軋闍婆城皆同夢化佛偈說言

初覺十二緣

衆生皆悉空

刹那頃所得

幻焰軋闍婆

如是次第入空解脫門其心快樂逮得義利
問曰外道各著我見云何遮斷荅曰如是外
道於内外色皆生染著取我我所順生死流
彼著我者我能施與飲食財利如是種種依
止我見衆生等見彼我我所者我之造作是
我瓶物如是等名依止我所彼所作業若一
若異若一異若不一不異取著偏執但以言
語誑惑於世及以己身以是義故流轉生死

不解因緣諸法性空問曰是諸外道不解因緣而起四執何者爲過荅曰僧佉所說有計一過作與作者一相與相者一分與有分一如是等皆名爲一優樓佉計異尼健陀計一異若提子計非一非異一切外道及摩陀羅等異計皆悉不離如是四種問曰僧佉人言作與作者一有何過荅曰語有二故不名爲一作是因法作者名果是事不同云何說一若實異言一此則顛倒何以故以作者即是作故作與作者前後時異云何爲一問曰前後一用如種生牙時雖前後但相似相續故名爲一荅曰此亦有過若作在先作者在後

生未生異云何爲一譬如瓶終不得並如
牛角不相因生作以作者亦復如是復次所
以作與作者不得爲一聲別義別因緣別時
別字別體別若如是者則有多過若但一者
不應二名聲義體相先後異故不得爲一若
作與作者一如取泥團陶師輪繩酥酪等物
皆悉應得以不得故當知非一如我心不得
爲一若是一者心無常故我亦應無常以是
故作與作者相與相者量與量者分與分者
悉同是破有一瓶等亦應被遮如色與瓶一
及白氎青葉長短方圓如是等物亦悉應遮
問曰此舍師計異有何過耶荅曰若作與作

者異亦有太過問曰云何爲過唯願說之答
曰若瓶與泥異作瓶時應取縷作氎時應取
泥以作瓶不取縷故當知不異復次泥團因
微塵成瓶因泥團成若瓶異泥團者瓶則無
體泥團成瓶故不得爲異泥團於微塵爲作
者於瓶爲作若作與作者異泥於微塵瓶但
名異不應有二以是故作與作者不得爲異
因縷成氎因蒲成席皆亦同是說復次若有
一瓶異則一切法壞何以故若有一非瓶離
應有瓶若有一是瓶則爲多瓶有一非故異
亦應非是則無瓶以是義故汝計異者即壞
一切法問曰如此說者非壞一切法何以故

有一依瓶立是故有一瓶等皆成荅曰若有一與瓶合有一應是瓶若瓶與有一合瓶亦應名有一以有一合故不得為異復次有一異者猶如白氎此亦有過何以故白則非氎氎亦非白白與氎異餘物亦然如燒氎時白不應燒若氎燒時白亦燒者不得為異汝以言物異相異此事不然汝先言六事各異此則應遮問曰尼捷陀先言一異有何過耶荅曰汝所謂一異者或說作以作者一或說作以作者異此亦多過問曰有何過耶荅曰若作即是作者事則不成若作與作者異事亦不成何以故因果各異云何為一以衆緣成

異故不得爲異作相作者相亦皆如是問曰
如瓶相破而體不破以體不破故亦得爲異
以見體在而相破故若破瓶時本成體無不
得爲異荅曰若言一同僧佉破若言異同比
舍師破如葉青氎白亦皆俱破問曰若提子
計不一不異有何過耶荅曰前三計者各有
所執汝說不一應當是異若說不異即應是
一何所執故而言不一不異若無所執妄有
所說則壞法相問曰汝說大乘亦無所執汝
亦應壞一切法相荅曰我之所執世間現見
是因緣法汝之所說但是顛倒不順法相故
問曰何者是法相而說我壞法相耶荅曰無

體相者即是體相問曰云何無體相為體相
耶荅曰空名無體相問曰云何名空以有為
空以無為空耶荅曰我不以有義故名空亦
不以無義故名空以離於有無故名為空如
尊者龍樹所說偈

執有名為常

計無則為斷

若離於有無

是名真實空

復次如龍樹中論中說偈

執有取體相

執無著無體

不存於有無

是名真實觀

以是故以離有無名空離斷常故名為中道
若能覺悟如是法相故名為佛是故十二因

緣義名之爲空問曰十二因緣以何爲證而知爲空答曰譬如瓶泥團輪繩及以陶師衆緣和合然後成就非即泥團是瓶亦非離泥團有瓶但假名說瓶屬衆因緣無有體相無體相故無生無生故體相寂滅因緣所成是故無體若諸法定有自體不假因緣則無是處以無自相故無瓶瓶無故一切法亦無如尊者提婆所說偈

一法若有體

諸法亦復然

一切法本無

因緣皆悉空

真實觀一法

諸法不二相

諦了是空已

則見一切空

問曰因緣生法即是體相答曰是事不然何

以故若有體相若無體相非汝所及如汝所
說以因緣為體相者因緣從他生故云何有
體言體相者自性而起不屬因緣若屬因緣
則無自性譬如假借非自有耶是故因緣假
他而成無有自體如尊者龍樹所說偈

因緣所生法

是即無自性

若無自性者

云何有體相

問曰諸法體相世間現見云何無耶答曰是
事不然凡愚妄見此非可信生滅之法皆悉
是空生滅流速無暫停時相似相續故妄見
為實猶如燈焰念念生滅凡夫愚人謂為一
焰亦如駛流影響幻焰如佛所說幻及幻者

都無所有而妄見者謂之爲實若是實者餓鬼不應見水爲火沙石膿血而諸衆生以善惡故隨業而見若有淨心利根衆生則能見空夜叉餓鬼遠見其水近則見火便生疑惑若物有實不應二見以二見故則知非實但妄見故當知一切諸法皆無體相以無體相故都無生滅問曰若一切法無生無滅云何得有來去計斷常過荅曰以見種子故便計來去若得法空則離斷常如因種子有牙莖枝葉華果次第而見牙生故種子滅是以不斷及至果生故華滅亦無常過如尊者提婆所說偈

諸法相續有
不得名爲常

則非是斷滅

因滅故果生

以是故見因緣空即離斷常問曰癡因緣行
云何而得離於斷常荅曰因無明故有善惡
行乃至因生故有老死凡夫不解因緣相續
妄計爲實無明體空故行亦體空乃至生體
空故老死體空以世間假名有相續故無斷
滅過念念不住無有常過以凡夫衆生死此
生彼相似相續故如佛所說第一義中無有
衆生死此生彼但以世諦假名說故識爲種
子行業爲田以慢土覆無明爲糞愛水爲潤
父母精氣衆緣和合生名色牙是故名色無

有自體猶如牀脚相假而用初名歌羅邏二
名安浮陀三名肉段四名堅實五名諸胞開
張六名爲觸生法次第相假而有不名爲斷
菩薩善解因緣法故即知其空以因緣空故
一切法空解法空故無斷常過如出胎經中
佛所說偈

隨假名字而得諸法名中無法是則真實
以是故非言說故有法若隨名字有諸法者
法則多體猶如空法無一無多問曰若一切
法無體汝言有過現見有故荅曰若法是有
言無則過法旣非有云何言過以是故諸法
如初後亦復然若諸法定有體相後涅槃時

應是斷滅若先非是空後言空者則是邪見
壞於正法亦無解脫如尊者提婆所說偈

不空而見空 我應得涅槃 邪見非涅槃

如來之所說

諸法本空故恒見是空如過去佛所見空相
今亦復然是故我說因緣法空是則無過如

是先立第一義諦後分別世諦我及衆生作
與作者乃至一異則無過失如尊者龍樹所
說偈

不說分別諦 不得於實諦 若不得實諦

則無得涅槃

復次說偈

諸佛演說法
常依於二諦
分別於世諦
及與第一義
若不能分別
真俗二聖諦
如是則不知
佛法甚深義

是故因緣法空名為真如法性實際是名修
習第一義禪見因緣空即是空解脫門若見
空者則不見諸法相是名無相解脫門見無
相故無所願求是名無願解脫門安住如是
三解脫門識種子於三界內則更不生名色
等牙識無取著滅三有苦三有滅故得寂滅
涅槃如尊者提婆所說偈
識是種子義
遊行於六處
若見諸塵空
有牙則斷滅

問曰菩薩度空出於生死云何能得勝於聲
聞答曰菩薩得世間利出世間利度人焰地
故雖出世間能任世間教化衆生聲聞不然
怖畏生死求速滅度以出世間道見於法界
見法界已到涅槃岸菩薩不介何以故菩薩
見衆生苦起大悲心爲欲度彼堅任莊嚴於
阿僧祇劫修行出世間道於一念頃觀一切
法界觀法界已衆生緣故不取果證乃能度
脫如佛阿耨大池經中說譬如二人欲墮山
頂一人有力善巧方便以巧便故雖墮還起
得昇山頂一人力少復無方便即任遂墮不
能復起菩薩於無爲法中不證不著如善巧

人得昇山頂聲聞之人以證著無爲故如少
方便者墮而不起譬如長者唯有一子以飢
儉故遠至他國經數十年長者後時住一大
城其家巨富多積珠珍漸得傭力故還來本
國菩薩有無量無邊阿僧祇功德到介焰地
向於涅槃以愍衆生故還入生死於阿僧祇
劫久受勤苦菩薩摩訶薩乘大苦乘求無上
果不可思議出過一切聲聞辟支佛上具足
一切功德智慧是故超度介焰之地云何菩
薩乘大苦乘譬如有人乘船入海遇大惡風
濤波如山有如是等無量衆難諸伴心急生
大恐怖是時船師巧持帆故能度衆難有福

德人得度難已獲大珍寶菩薩摩訶薩處生
死海亦復如是為惡知識不信所難趣向惡
道第一阿僧祇劫修治淨地行求淨解脫第
二阿僧祇劫修淨禪定行第三阿僧祇劫修
淨智慧行除余焰地障是故菩薩名乘苦乘
滿足十地得無礙無障一切行具足故得阿
耨多羅三藐三菩提是故以余焰智得成大
果

入大乘論卷上

盡

訶衍

下音演摩

桓因

上戶官反

楞嚴

上郎反

此云健

齧芥

上大魚反

蚊

音文

金翅

下音施

去

行定

反交

一音

鳥名

去

去

去

去

掣電

音上

殿陰列

又相擊

之制

反下

蟻

語倚

反蜂

薑尾

也鈍

徒困

反者

毬

下上

渠夷

反反

數數

音朔

奪奪

徒活

反陶

室

上音

桃

毗

佛略

去下

力遮

此強

取也

反比

反居

上行

音毗

謂離

行能

離大

乘此

甚息

少也

反比

反居

亦道

也謂

上惡

道也

可我

反渚

洲之

云下

無奴

熱毒

河反

反俱

也猛

反斧

音甫

音浮

正作

也逮

音代

反及

反惡

也迦

反居

音散

也若

提

音而

者上

反正

反下

外道

反舍

音平

道音

名若

提

音而

者上

毛布

也旆

比舍

音平

道音

名若

提

音而

者上

也浪

也旆

比舍

音平

道音

名若

提

音而

者上

也浪

也旆

比舍

音平

道音

名若

提

音而

者上

